



ჩემი ვარსკვლავი, სატრფოო, ცის თაღზე შუქად რომ ადის,  
შენი ღიმილის შუქია გამათბობელი მარადის:  
ჩემთვის სიმღერა, შვენივან, შენი ხმა არის ნარნარი,  
დიდება სიყვარულისა, ცის სამსხვერპლოზე დამდნარი.  
რა მე, შენს მგოსანს, იქ ძალმიძს მარად ჟამს ვიბედნიერო,  
ქ ძალმიძს მხოლოდ ვიცოცხლო, სადაც შენა ხარ, ციერო.  
და რაც კი ქვეყნად ამ ჩემს თვალთ უეცრად მოეჩვენების,  
მარტოდენ ანარეკლია მაგ ღვთაებრივი შვენიების.